

صراط المستقیم

۱۳۲۶

درسعادته یکی پوخته خانه فارشونده
داوود مخصوصه در

مسکینه موافق آثار جدید مع المونیته قبول اولور
درج ابتدایی آثار اعاده اولور

حافظار:

دین، فلسفه، ادبیات، حقوق و علوم دین باحث هفته لک رساله در

مؤسسه لری: ابوالعلا زین العابدین - ح. اشرف ادیب

درسعادته نسخه سی ۵۰ پاره در

فیریلده دن مقوا بورو ایله کوندریلیرسه سنوی
۲۰ غروش فضله آلدیر.

تاریخ تاسیسی:

۱۱ نموز ۳۲۴

سنه لکی الی ایلی

۳۵ ۶۵

۵۰ ۹۰

۵۰ ۱۰۰ غروشدر

درسعادته

ولایاته

ممالک اجنبیه

درسعادته پوخته ایله کوندریلیرسه ولایات بدلی اخذ اولتور.

برنجی سنه

۲۲۶ شعبان ۷ پنجشنبه ۲۱ اغستوس ۳۲۴

عدد: ۲

وضرویات حیانتک تدارکی امرنده ابناء نوعدن برطائفه ایله مجتمعا
یشاق مجبوریت طبیعه سنده در. ابتدا عائله وبعده قبیله و عشیره تترك
صورت تجمع و قرا و قصباتك و مدائن عظیمه ك کیفیت تشكلی بواحتیاج
اوزرینه وجود پذیر اولمشدر.

چهره و سیمالریك اختلافی نسبتنده طباع و اوضاع لری مختلف اولان
افراد بشردن بیکارجه نفوسك بر محبله اجتماعی جر منفعت و دفع
مضرت سائقه سیله نزاع و فزاعی داعی اوله رق الحکم لمن غلب
قاعده سنجه کبیر صغیری، قوی ضعیفی محو و افنا ایلمی قوانین طبیعه دن
اولسیله جناب نسق ساز نظام کائنات، حفظ نظام مخلوقات و تاسیس قواکد
مرعیه عدل و اخوت و مساوات ایچون احتیاجات زمانیه و مکانیه
کوره پیغمبران عظام واسطه سیله صحف و کتب مقدسه بی تزیل و متضمن
اولدینی اوامر و مناهی اعتباریله شرائع و ادبانی واجب الاتباع و التبجیل
ایلمشدر.

علماء منطق، اشرف انواع مخلوقات اولان نوع انسانی حیوانات
سأره دن خاصه نطق ایله تمیز و توصیف و حیوان ناطق و صفیه تعریف
ایلمشدر. اشبو تعریف ایله انسان درکه حیوانیتدن قوریتله میده جنی
بدیدارد. زیرا نطقدن مقصد، تعبیر مرام ایچون بر طاقم حروفی
تشکیل ایدن صوت ایسه، بو خاصیت بالعموم حیواناتده موجود اولدینی
عیانا مشهوددر.

انسانی حیوان عاقل صورتیه درکه بهائندن تخلیصه چالشه
عقل معاش و معاد اعتباریله ایکیه منقسم و عقل معاش ایسه حیواناتده
انساندن زیاده موجود اولدینی بر امر معلوم و مفهمدر. زیرا حیوان

صراط مستقیم دوامنی تمیده یک زبان اولان مطبوعات عثمانیه
عرض شکران ایدرز. حق مزده کوستریلن التفات و توجهاته اعلا
لیاقت ایده بیکلکمز محض توفیق آلهییه وابسته در. والله الموفق.

حکمت ادیان

برمدتدنبرو اور و پاده موده حکمنه کیرن دینسزك و یا احکام دینییه
عدم مبالات علی، تدریجا ممالک شرقیه دخی سرایتله نیک و بدی
تفریق مقتدر اولمیان و یا تفریق ایچون بر لحظه ذهنی اتعاب ایتک
ایسته مین بر چوق ذوات دیندارانی عادتاً معیبتدن عد ایله دیندن تبری
و دینسزکی عنوان مدنیت و یا اساس حریت صورتیه تلقی ایتمکده
اولدق لری منظور باصره تأسف اولمقده در.

طبیعت بشریه فی الواقع فطرت اصلیه اعتباریله حریته میل و حریت
قول و فعلی تقید ایدن هر درلو عقائد و احکامدن تفرقی آزاده قیل و قال
ایسه ده، حفظ نظام عالم و بقای نوع بنی آدم ایچون دینك لزومی ضروریدر.
بالعموم ادیان، وضع اصلیلری اعتباریله تهذیب اخلاق و بین الافراد
منع نزاع و شقاق ایچون وضع و تاسیس بیوراش بر قانون حکمت مشعون
انهیدرلر.

خلقه مدنی بالطبع برادش اولان نوع انسان منفرداً بر طاع
تپه سنده و یا بر صحرا و سطنده یشامی عديم الامکان اولسیله لوازم معاش

تحلیل کیمیاوی به محتاج اولمقرین کندیسنه نافع وضار اولان نباتاتی تفریق وضارندن اجتناب ایله نافعنی اکل و انتخاب ایله یکی حالده انسان بو قوه میزه طبعیه دن محروم وسم ایله دسمی بالمشاهده تمیز خاصه سنه مالک اولمیدنی برامر معلومدر . بنابرین انسانی بقیه انواع حیواناتدن تفریق ایده جک یکنه وصف خاص، عقل بالمعاد خاصه جلیله سیدر که اودخی حشر وشری و ثواب و عقابی اعتقاددن عبارت اولان عقائد دینه در . احکام اصلیه سی اعتباریله عادات و عبادات و معاملات منقسم اولان اوامر دینه ایکی نوع نظامی جامعدر که بریسنه نظام خاص و دیگرینه نظام عام دنیور .

ادیانک عبادات قسمی انسانک مابه القیامی اولان محت وجود و دوام عافیت و انتظام حیات و معیشته مقصور برر قواعد حفظ الصحه اولمیدنی کی عادات و معاملات اقسامی دخی جمعیات بشریه نک یکدیگریله حسن معاشرت و تأمین عدالت و حقوق متقابل لری نک تعلیمیه بینلرنده زابطه مساوات و اخوتی محافظه و امنیت جان و مال و عرضلرینی صیانت مقصدینه مبتنیدر که اشبو ایکی نظامه متابعت ایتمکسزین نوع انسانک و جمعیات بشریه نک دوام و بقای عذیم الامکاندر .

دین بر حصن حصین اماندر که انک عرش اعلایه منتهی اولان برج و بارو سنه التجا ایدن هر درلو مهالک مادیه و معنویه و هر کونه مضار و موبقات زمانیه و مکانیه دن محفوظ و مصون اولور .

دین بر جبل متین اعتصامدر که انک عروه و ثقای صلابتنه تمسک ایدن هر درلو صدمات روز کار و هر کونه حادثات زور کاردن وارسته ورها اولور .

دین بر حارس امین و بر نکهبان رصد دور بیندر که انک زیر حایت و جناح صیانتنه تسلیم نفس و حیات ایدن هر درلو الام و اکدار و هر کونه مصائب و آفاتدن امین و سالم اولور .

دین بر شاهراه قویم و بر صراط مستقیمدر که او منهج سلیمه سالک اولان نائل سعادت دارین و واصل سر منزل قاب قوسین اولور .

مابدی وار

ماردینی زاده

محمد عارف

توحید

یا خود

فریاد

ای نور الوهیتنک ظلی عوالم ،

ظلمت بیله اسرار ظهورک کی مظلم .

کرسى جلالک که سمالرله زمینلر
بر نقطه قدر صحن محیطنده طوتار بر ،
ادراکک ایدر غایه امیدنی خیت ..
یارب اونه دهشتدر الهی اونه هیبت !
جولاننه یتز کی هنای عوالم
کاهی سنی بولمق ایچون آواره خیالم
برشوق ایله لاهوته قدر یو کسله یم دیر .
لکن نصل اولسون که بو معراجه مظفر ؟
ناسوت محیطنده هنوز چاقالانیرکن ،
بر دست تجبر دایا نوب کوکسنه بردن ،
مدهوش و محقر سریلیر اسفل خاکه !
باشلار اورادن نادم اولوب باغرینی چاکه .
یا لکز اومی ؟ بیک فکر سماوی بو زمینده
یتاب تحری قاهر ق آه واینده !

اشباحه می قربک اوله جقدر جولانکاه ؟
ارواح بتون مندهش « ثم رددناه ! »

صنعه کی اسراره تعالی بزه ممنوع
اولمازی ردا پوش طورورکن دها مصنوع ؟

خورشید ازلدن نصل ایستر که خبردار
اولسون دها بر ذره بی درک ایتمین افکار ؟

ای نامتناهی سکا نسبت ایله محدود ،
محصور محیط قدر کدر نه که موجود .

دیباچه اوصافکی آلاز بتون ابعاد ،
اعداد ایده من سلسله فیضکی تعداد .

عمان شوئنک که برر موجیدر اعصار ،
هر وجه سیدر بر یم بی ساحل آثار !

فرمانکه محکوم ازلیت ، ابدیت
ای پادشه عرش کزین صمدیت .

ابداع بدیعک که جهانلرله بدایع
میدانه کیتومش، بزه ای خالق مبدع ،

مبهم نصل اولماز که ؟ عدمدن دکل اثبات ،
بر ذره موجودی یوق ایتک بیله هیبات ؛

قابل اوله ماز چیقسه ده بیک دست مخرب .
یارب بو نصل عالم لبریز غرائب ؟